

辨

證

錄

辨證錄卷之三

山陰陳士鏗敬之甫號遠兮又號朱華子著述

會稽陶式玉尚白甫號存齋又號

叅訂

咽喉痛門

人有感冒風寒一時咽喉腫痛其勢甚急變成雙蛾者其症痰涎稠濁口渴呼飲疼痛難當甚則勺水不能入喉此陽火壅阻於咽喉視其勢若重而病實輕也夫陽火者太陽之火也太陽之火卽膀胱之火也與腎經之火爲表裏膀胱火動而腎經少陰之火卽來相助故直冲

於咽喉之間而肺脾胃三經之火亦復相隨而上升於是借三經之痰涎盡阻塞於咽喉結成火毒而不可解治法似宜連數經治矣然而其本實始於太陽泄膀胱之火而諸經之火自安矣但咽喉之地近於肺太陽既假道於肺經而肺經險要之地卽狹路之戰場也安有舍戰場要地不解其圍而先搗其本國者乎所貴有兼治之法也方用破隘湯桔梗三錢甘草二錢柴胡一錢白芍五錢玄參三錢麻黃一錢天花粉三錢山豆根一錢錢水煎服一劑而咽喉寬再劑而雙蛾盡消矣方中散

太陽之邪者居其二散各經之邪居其五尤加意於散
肺之邪者由近以散遠也

此症用散蛾

湯亦神效

射干枳殼蘇葉當歸各一錢甘草二錢桔梗三錢天
花粉三錢山豆根八分麻黃五分水煎服一劑卽愈

人有一時喉忽腫大而作痛吐痰如湧口渴求水下喉少
快已而又熱呼水咽喉長成雙蛾旣大且赤其形宛如
雞冠此喉痺之症卽俗稱爲纏喉風也乃陰陽二火並
熾一乃少陽之相火一乃少陰之君火也二火齊發其
勢更暴咽喉之管細小火不得遽泄遂遏抑於其間初

昔有人患
鼻蟻必須
刺破可以
吹藥乃損
者畏懼必
不許刺醫
者請以用
小毫針穿
鼻之乃暗
藏針於鼻
頭之內張
其膜而刺

作腫而後成蛾也蛾有二一雙蛾一單蛾也雙蛾生兩
毒兩相壅擠中間反留一線之隙可通茶水藥劑尙可
下嚥若單蛾則獨自成形反塞住水穀之路往往有勾
水不能嚥者藥物既不可嚥又從何路以進藥食哉法
宜先用刺法一則刺少商等穴尙欠切近用刀直刺其
喉腫之處一分則喉腫必少消可用吹藥以開之吹藥
方膽礬一分牛黃一分皂角燒灰末一分麝香三釐冰
片一分爲絕細末和勻吹入喉中必大吐痰而愈然後
用煎劑方名救喉湯射干一錢山豆根二錢玄參一兩

雙蛾喉痛

麥冬五錢甘草一錢天花粉三錢水煎服一劑而全愈也若雙蛾不必用刺法竟用此方玄參爲君實可以瀉心腎君相之火况佐之豆根射干天花粉之屬以祛邪而消痰則火自歸經而咽喉之間關門肅清矣

此症用兩地湯

加減亦神

熟地生地玄參各一兩肉桂三分黃連天花粉各三錢水煎服下喉卽愈不必二劑

人有咽喉腫痛日輕夜重喉間亦長成蛾宛如陽症但不甚痛而咽喉之際自覺一線乾燥之至飲水嚥之少快至水入腹而腹又不安吐涎如水甚多將涎投入清水

陰蛾治法

古人多用

附桂此偏

不用以出

商

中卽時散化爲水人以爲此喉痛而生蛾也亦用瀉火之藥不特杳無一驗且反增其重亦有勺水不能下嚥者蓋此症爲陰蛾也陰蛾則日輕而夜重若陽蛾則日重而夜輕矣斯少陰腎火下無可藏之地直奔而上炎於咽喉也治法宜大補腎水而加入補火之味以引火歸藏方用引火湯熟地三兩巴戟天一兩茯苓五錢麥冬一兩北五味二錢水煎服一劑而火自下歸咽喉之腫痛全消二劑卽全愈方用熟地爲君大補其腎水麥冬五味爲佐重滋其肺金金水相資子母原有滂沱之

桂附固氣
引火歸經
之藥然其
在大熱從
陰道而過
藥未入腹
而藥先受
其熱益增
癰痛矣故
不用桂附
爲妙

樂水旺足以制火矣又加入巴戟之溫則水火既濟水
趨下而火已有不得不隨之勢更增之茯苓之前導則
水火同趨而共安於腎宮不啻有琴瑟之和諧矣何必
用桂附大熱之藥以引火歸源乎夫桂附爲引火歸源
之聖藥胡爲棄而不用不知此等之病因水之不足而
火乃沸騰今補水而仍用大熱之藥雖曰引火於一時
畢竟耗水於日後予所以不用桂附而用巴戟天取其
能引火而又能補水則腎中無乾燥之虞而咽喉有清
肅之益此巴戟天所以勝桂附也

此症用收火

湯亦神效

熟地三兩 山茱萸一兩 茯苓五錢 肉桂三錢 水煎一碗 探冷服一劑即消

人有咽喉乾燥久而疼痛人以爲肺熱之故誰知是腎水之涸竭乎夫肺金生腎水者也肺氣清肅自能下生腎水惟肺氣既虛則肺中津液僅可自養而無如腎水大耗日來取給則剝膚之痛烏能免乎譬如父母未有不養贍其子者而處困窮窘迫之時則無米之炊何能止索飯啼饑之哭倘其子成立自能顧家爲父母者不特可以取資而亦可免迫索之苦乃其子又伶仃狼狽不

善謀生則子貧而父母更貧其乾枯之狀不可形容者矣肺腎何獨不然故欲救肺之乾燥必先救腎之枯涸也方用子母兩富湯治之熟地三兩麥冬三兩水煎服一劑而燥少止三劑而痛少止十劑而燥與痛盡去也熟地滋腎救肺子之枯也麥冬滋肺救腎母之涸也上下兩治腎水有潤澤之歡則肺金自無焦焚之迫猶人子無憔悴之色則父母自有安享之愉此肺腎之必須兼治而熟地麥冬所以並用而能出奇也

此症用金水

湯亦佳

熟地山茱萸各一兩天門冬地骨
皮丹皮各三錢沙參五錢水煎服

人有生喉癰於咽門之間以致喉嚨疼痛者其症必先作
癢面紅耳熱而不可忍其後則嚔唾之時時覺乾燥必
再加嚔唾而後快久則成形而作痛變爲楊梅之紅瘰
或痛或癢而爲癰矣夫癰必有蟲咽喉之地豈容生蟲
世人往往得此病恬不爲意到不能治而追悔於失治
也不其晚乎此病因腎水之耗以致腎火之冲而肺金
又燥清肅之令不行水火無既濟之歡金火有相形之
勢兩相戰鬪於關隘之間致成此症治法仍須補腎中

之水而益其肺氣以大滋其化源兼用殺蟲之味以治其癰庶幾正固而邪散而蟲亦可以盡掃也方用化癰神丹玄參一兩麥冬一兩五味子一錢白薇一錢鼠黏子一錢百部三錢甘草一錢紫苑二錢白芥子二錢水煎服二劑而疼痛少痊又服四劑而癰中之蟲盡死矣卽不可仍用此方另用潤喉湯熟地一兩山茱萸四錢麥冬一兩生地三錢桑白皮三錢甘草一錢貝母一錢薏仁五錢水煎服連服十劑而癢與痛俱除矣方中再加肉桂一錢饑服冷服實爲善後之策又萬舉而萬全

也蓋從前多用微寒之藥恐致脾胃受傷加入肉桂以
補火則水得火而無冰凍之憂土得火而有生發之樂
下焦熱而上焦自寒也

此症先用白微湯十劑後可
用溉喉湯三十劑亦能奏功

白微湯

白微二錢麥冬三錢款冬花桔梗各三分百部二分
貝母五分生地三錢甘草三分水煎
湯漱口服日服一劑服十日蟲死

溉喉湯

熟地二兩麥冬一兩甘草一錢白微五分水煎服
一月
全愈

人有生長膏梁素耽飲酒勞心過度致咽喉臭痛人以爲

冠肺
之理
火助

肺氣之傷誰知是心火太盛移熱於肺乎夫飲酒傷胃
胃氣薰蒸宜乎肺氣之熱矣然而胃火薰肺而胃土實
生肺也故飲酒尙不傷肺惟勞心過度則火起於心而
肺乃受刑矣况胃火助之則火性炎上而咽喉乃成燔
燒之路自然唾涕稠粘口舌乾燥氣腥而臭而痛症乃
成矣蓋心主五臭入肺而腥臭又何疑乎方用解腥丹
甘草二錢桔梗二錢麥冬五錢桑白皮三錢枯苓一錢
天門冬三錢生地三錢貝母五分丹皮三錢水煎服連
服二劑而痛止再服四劑而臭除此方治肺而兼治心

治心而兼治胃者也。因膏粱之人，其心肺之氣血原虛，不滋益二經之氣血，而但瀉其火，則胃中之氣血必傷，反增其火熱之焰矣。今補肺以涼肺，補心以涼心，補胃以清胃，而火自退，舍不止咽喉之痛而痛自定也。

此症用息炎

湯亦可

黃連、甘草、黃芩各一錢，麥冬、五錢、天冬、生地、玄參各三錢，紫苑、天花粉、石膏各二錢，竹葉三十片，陳皮三分，水煎服，四劑愈。

人有咽喉腫痛，食不得下，身發寒熱，頭疼且重大，便不通，人以爲熱也，誰知是感寒而成之者乎？然而人不敢信。

爲寒也論理用逍遙散散其寒邪而咽喉之痛卽解雖然人不敢信爲寒以用祛寒之藥獨不可外治以辨其寒乎法用木通一兩葱十條煎湯浴於火室中如是熱病身必有汗而咽喉之痛不減也倘是感寒雖湯火大熱淋洗甚久斷然無汗乃進逍遙散必然得汗而咽喉之痛立除此法辨寒熱最確不特拘之以治感寒之喉痛也

此症用紫白

飲亦妙

紫蘇茯苓各三錢半夏一錢陳皮五分
甘草一錢白朮二錢水煎服一劑卽愈

[illegible]

牙齒痛門

人有牙齒痛甚不可忍涕淚俱出者此乃臟腑之火旺上行於牙齒而作痛也治法不瀉其火則不能取效然火實不同有虛火有實火大約虛火動於臟實火起於腑而實火之中有心包之火有胃火虛火之中有肝火有脾火有肺火有腎火同一齒痛何以別之不知各經在齒牙之間各有部位也兩門牙上下四齒同屬心包也門牙旁上下四齒屬肝也再上下四牙乃胃也再上下四牙乃脾也再上下四牙乃肺也再上下之牙乃腎也

分經加藥
不可不知

大牙亦屬腎腎經有三牙齒多者貴治病不論多寡總以前數分治之多驗火既有如許之多而治火之法宜分經以治之矣雖然吾實有統治火之法方用治牙仙丹玄參一兩生地一兩水煎服無論諸火服之均效察其爲心包之火加黃連五分察其爲肝經之火加炒梔子二錢察其爲胃經之火加石膏五錢察其爲脾經之火加知母一錢察其爲肺經之火加黃芩一錢察其爲腎經之火加熟地一兩飲一劑而火輕再劑而火散四劑而平復如故矣夫火既有虛實不同何以一方而均

治不知火之有餘無非水之不足也我滋其陰則陰陽之火無不相戢矣况玄參尤能瀉浮遊之火生地亦能止無根之焰二味又瀉中有補故虛實咸宜實治法之巧而得其要者也况又能辨各經之火而加入各經之藥有不取效如神乎或曰火生於風牙齒之疼未有不兼風者治火而不治風恐非妙法不知火旺則生風未聞風大而生火人身苟感風邪則身必發熱斷無風止入牙而獨痛之理况火病而用風藥反增其火熱之勢是止痛而愈添其痛矣或疑膀胱有火肝經有火心經

有火大小腸三焦俱有火何俱遺之而不言不知臟病則腑亦病腑病則臟亦病治臟不必治腑瀉腑不必又瀉臟況膀胱心與三焦大小腸俱不入於齒牙故畧而不談也

此症外治亦可
用畢荒湯

畢撥荒花各二錢水一
碗煎半盞漱口卽止痛

內治用沙豆

湯亦妙

沙參一兩荆芥丹皮各三錢山
豆根一錢水煎服二劑卽愈

人有多食肥甘齒牙破損而作痛如行來行去者乃虫痛

其痛其外
治不其內
治

也夫齒乃骨之餘其中最堅何能藏虫乎不知過食肥
甘則熱氣在胃胃火日冲於口齒之間而濕氣乘之濕
熱相搏而不散乃虫生於牙矣初則止生一二虫久則
蕃衍而多於是蝕損其齒遂致墮落一齒既朽又蝕餘
齒往往有終身之苦者此等之痛必須外治若用內治
之藥未必殺虫而臟腑先受傷矣方用五靈至聖散五
靈脂三錢研絕細末白微三錢細辛五分骨碎補五分
各研爲細末先用滾水含漱齒至淨然後用前藥末五
分滾水調如稀糊含漱齒半日至氣急吐出如是者三

次痛止而虫亦死矣。斷不再發。蓋齒痛原因虫也。五靈脂白微最殺虫。於無形加入細辛以散火。骨碎補以透骨。引五靈脂白微直進於骨內。則虫無可藏。盡行勦殺。虫死而痛自止也。

此症用破顏丹亦

可外治甚效

丹砂三分 麝香半分 冰片一分 雄黃一錢
爲細末 將末搽於痛處 口吐涎而痛立止
內治亦可用

安寧飲

玄參 生地 麥冬 各五錢 白微 一錢 骨碎
補 五錢 天門冬 三錢 木煎服 三劑亦愈

人有牙痛日久 上下牙牀盡腐爛者 至飲食不能用 日夜

大牙之痛

必須降火

後純用降

火之藥則

火反不降

降生遺公

言是

呼號此乃胃火獨盛有升無降之故也人身之火惟胃
最烈火既升於齒牙而齒牙非藏火之地於是焚燒於
兩頰而牙床紅腫久則腐爛矣似乎亦可用治牙仙丹
加石膏以治之然而其火蘊結可用前方以消弭於無
形今既已潰破腐爛則前方又不可用以其有形難於
補救也方用竹葉石膏湯加減石膏五錢知母二錢半
夏二錢茯苓三錢麥冬三錢竹葉二百片葛根三錢青
蒿五錢水煎服連服四劑而火退腫消矣然後再用治
牙仙丹以收功也石膏湯以瀉胃火用之足矣何加入

葛根青蒿也不知石膏但能降而不能升增入二味則能引石膏至於齒牙以逐其火而葛根青蒿尤能退胃中之陰火所以同用之以出奇陰陽之火盡散齒牙之痛頓除何腐爛之不漸消哉

此症可用石

母降炎湯

石膏茯苓荆芥炒黑各三錢知母一錢麥冬一兩玄參一兩甘草一錢升麻五分天花粉三錢木煎服四劑全愈

人有牙齒疼痛至夜而甚呻吟不臥者此腎火上冲之故也然腎火乃虛火非實火也若作火盛治之多不能勝

卽作虛火治之亦時而效時而不效蓋火盛當作火衰
有餘當認作不足乃下虛寒而上現假熱也人身腎中
不寒則龍雷之火下安於腎宮惟其下寒之甚而水又
無多於是上冲於咽喉而齒牙受之正如龍雷之火至
冬則地下溫煖而龍雷皆蟄春氣發動則地底寒冷而
不可蟄乃隨陽氣上升矣至於夜分尤腎水主事水不
能養火而火自遊行於外仍至齒而作祟譬如家寒難
以棲處必居子舍而作威而子又貧乏自然觸動其怒
氣矣治法急大補其腎中之水而益以補火之味引火

歸源則火有水以養之自然快樂而不至於上越矣方
用八味地黃湯加骨碎補治之一劑而痛止再劑而痛
不發也蓋六味地黃湯補其腎水桂附引火以歸於命
門但補水引火之藥不先入齒中則痛之根不能除所
以必用骨碎補以透入齒骨之中而後直達於命門之
內此拔本塞源之妙法耳

此症亦可用

制火湯

熟地二兩生地一兩玄參五錢肉桂三分骨
碎補一錢車前子二錢水煎服二劑即止痛

人有上下齒牙疼痛難忍閉口少輕開口更重人以爲陽

灸法固神
而湯刺亦
妙

明之胃火也誰知是風閉於陽明太陽二經之間乎此
病得之飲酒之後開口向風而臥風入於齒牙之中留
而不出初小疼而後大痛也論理去其風宜愈而風藥
必耗人元氣因虛以入風又耗其氣則氣愈虛風邪卽
欺正氣之怯而不肯出疼終難止也古人有用灸法甚
神灸其肩尖微近骨後縫中小舉臂取之當骨解陷中
灸五壯卽差但灸後項必大痛良久乃定而齒疼永不
發也然而人往往有畏灸者可用散風定痛湯治之白
芷三分石膏二錢升麻三分梧桐淚一錢當歸三錢生

地五錢麥冬五錢乾葛一錢天花粉二錢細辛一錢水煎服一劑輕二劑卽愈不必三劑也此方補藥重於風藥正以風得補而易散也

此症可用

宣揚散

柴胡五分白芍五錢甘草白芷乾葛細辛各一錢青蒿三錢天花粉三錢石膏二錢水煎服二劑愈

人有上下齒痛甚口吸涼風則暫止閉口則復作人以爲陽明之火盛也誰知是濕熱壅於上下之齒而不散乎夫濕在下易散而濕在上難祛蓋治濕不外利小便也水濕下行其勢順水濕上散其勢逆且濕從下受易於

行濕從上感難於散故濕熱感於齒牙之間散之尤難
以飲食之水皆從口入必經齒牙不已濕而重濕乎濕
重不散而火且更重矣所以經年累月而痛不能止也
治法必須上祛其濕熱又不可單利小便當佐之以風
藥則濕得風而燥熱得風而涼濕熱一解而齒痛自愈
矣方用上下兩疏湯茯苓五錢白朮三錢澤瀉二錢薏
仁五錢防風五分白芷三分升麻三分荊芥二錢梧桐
淚五分甘草一錢水煎服四劑而濕熱盡解而風亦盡
散也蓋茯苓白朮澤瀉薏仁原是上下分水之神藥又

得防風白芷升麻荆芥風藥以祛風夫風能散濕兼能
散火風火既散則濕邪無黨安能獨留於牙齒之間耶
仍恐邪難竟去故加入甘草梧桐淚引入齒縫之中使
濕無些須之留又何痛之不止耶況甘草緩以和之自
不至相襍而相犯也

口舌門

有婦人產子舌出不能收人以爲舌脹也誰知是難產心驚之故乎夫舌乃心之苗心氣安而舌安心氣病而舌病產子而胞胎已破子不能產欲顧子而母命恐亡欲全母而子命難保其心中驚恐自必異於常時心氣旣動心火必不寧矣胎胞之系原通於心用力產子而心爲之懼故子下而舌亦出也舌出不收心氣過升之故治法必須降氣爲主古人有以恐勝之者然舌出由於心驚復因驚以增其恐吾恐愈傷心氣矣雖舌驟收未

必不隨收而隨出也故降氣必須補心而不可增其恐
方用助氣鎮心丹人參三錢茯神二錢菖蒲五分硃砂
一錢不可火製五味子一錢水煎含漱久之然後嚥下
一劑卽收二劑全愈此方用硃砂以鎮心又得人參以
生氣氣旺則火自歸心火歸而焰息舌亦隨焰而自收
矣何必增其恐懼而氣始下哉

此症亦可用

欬舌神丹

人參一兩五味子一錢麥冬二錢附子心片
菖蒲良薑各三分水煎含漱嚥下一劑卽收

人有舌下牽強手六指次指不仁兩臂麻木或大便閉結

或皮膚赤暈人以爲風熱之病也誰知是惱怒所致因鬱而成者乎夫舌本屬陽明胃經之土而大腸之脉散居舌下舌下牽強是陽明胃與大腸之病也然非無因而至因肝氣不伸木尅胃土則土虛而不能化食遂失養於臂指經絡之間而麻木不仁之症生臂指經絡失養何能外潤於皮膚乎此赤暈之所以起也胃土受肝木之尅則胃氣大燥無血以資大腸因熱以生風腸中秘結益失其傳導之職矣治法必須通大腸而健胃又必平肝以補血方用八珍湯加減治之人參二錢當歸

散今用八
珍湯者加
柴胡猶
舒肝

五錢白芍五錢柴胡一錢陳皮五分甘草一錢槐角一
錢白朮一錢熟地五錢半夏五分茯苓一錢水煎服二
劑輕四劑又輕十劑全愈八珍湯補氣補血之方也加
入柴胡以舒肝增入槐角以清火肝之鬱解而胃之氣
自旺胃氣旺而轉輸自暢矣

此症用顧養
湯亦妙

常歸一兩香附茯神丹皮玄參各三錢柏子仁沙參
黃芩各二錢遠志五分麥冬五錢甘草一錢水煎服
四劑
愈

鼻淵門

人有無端鼻流清水者久則流涕又久則流黃濁之物如
膿如髓腥臭不堪聞者流至十年而人死矣此病得之
飲酒太過臨風而臥風入膽中膽之酒毒不能外泄遂
移其熱於腦中夫腦之竅通於鼻而膽之氣何以通於
腦而酒之氣何以入於膽耶凡善飲酒者膽氣自旺且
多叫號故酒先入膽而膽不勝酒卽不及化酒而火毒
存於其中矣夫膽屬木最惡者寒風也外寒相侵則內
熱愈甚膽屬陽而頭亦屬陽膽移熱而上走於頭腦在

膽屬木酒

喻是言

宜之然未

盡論及鼻

淵之症

頭之中頭無可藏熱之處故遇穴而卽入况膽與腦原是相通腦之穴大過於膽遂樂於相安居之而不肯還入於膽矣迨居腦既久而動極思遷又尋竅而出乃順趨於鼻矣火毒淺而涕清火毒深而涕濁愈久愈流而愈重後則涕無可流併腦髓而盡出欲不死而不可得矣治法治其腦可也然治其腦必仍治其膽者探源之治也方用取淵湯辛夷二錢當歸二兩柴胡一錢炒梔子三錢玄參一兩貝母一錢水煎服一劑涕減再劑涕又減三劑病全愈蓋辛夷最能入膽引當歸以補腦之

氣引玄參以解腦之火加柴胡梔子以舒膽中之鬱熱
則膽不來助火而自受補氣之益也然不去止鼻中之
涕者清腦中之火益腦中之氣正所以止之也蓋鼻中
原無涕遏抑上游出涕之源何必截下流之水乎此治
法之神耳或疑當歸過於多用不知腦髓盡出不大補
則腦之氣不生辛夷耗散之物非可常用也故乘其引
導大用當歸以補腦添精不必日後之再用倘後日減
去辛夷卽重用當歸無益矣此用藥先後之機又不可
不識也人疑當歸之不可多用者不過嫌其性滑有妨

於脾耳誰知腦髓直流之人必髓不能化精者也精不能化則精必少精少則不能分布於大腸必有乾燥之苦然則用當歸以潤之正其所喜何慮之有

此症用探淵丹

亦能奏功

辛夷一錢當歸五錢麥冬二兩茯苓三錢黃芩二錢白芍一兩天花粉三錢生地五錢桔梗二錢水煎服

四劑

全愈

人有鼻流清涕經年不愈是肺氣虛寒非腦漏也夫腦漏卽鼻淵也原有寒熱二症不止膽熱而成之也然同是鼻淵而寒熱何以分乎蓋涕臭者熱也涕清而不臭者

寒也熱屬實熱寒屬虛寒茲但流清涕而不腥臭正虛寒之病也熱症宜用清涼之藥寒症宜用溫和之劑倘槩用散而不用補則損傷肺氣而肺金益寒愈流清涕矣方用溫肺止流丹呵子一錢甘草一錢桔梗三錢石首魚腦骨五錢煨過存性爲末荊芥五分細辛五分人參五分水煎調服一劑卽止流矣不必再服也此方氣味溫和自能煖肺而性又帶散更能祛邪故奏功如神或謂石首腦骨古人以治內熱之鼻淵是爲寒物何用以治寒症之鼻淵耶不知鼻淵實有寒熱二症而石

首腦骨寒熱二症皆能治之但熱症之涕通於腦寒症之涕出於肺我用羣藥皆入肺之藥也無非溫和之味肺既寒涼得溫和而自解復得石首腦骨佐之以截腦中之路則腦氣不下陷而肺氣更閉矣所以一劑而止流也

人有鼻塞不通濁涕稠黏已經數年皆以爲鼻淵而火結於腦也誰知是肺經鬱火不宜有似於鼻淵而非鼻淵乎夫鬱病五臟皆有不獨肝木一經之能鬱也內經曰諸氣膹鬱皆屬於肺肺氣鬱則氣不通而鼻乃肺經之

門戶故肺氣不通而鼻之氣亦不通也難經曰肺熱甚則出涕肺本清虛之府最惡者熱也肺熱則肺氣必粗而肺中之液必上沸而結爲涕熱甚則涕黃熱極則涕濁敗濁之物豈容於清虛之府自必從鼻之門戶而出矣方用逍遙散加味治之柴胡二錢當歸三錢白朮二錢陳皮五分甘草一錢黃芩一錢茯苓二錢白芍三錢白芷一錢桔梗三錢半夏一錢水煎服一劑輕二劑又輕連服八劑全愈此方治肝木之鬱者也何以治肺鬱而有效不知道逍遙散善治五鬱非獨治肝經一部之鬱

已也況佐之桔梗散肺之邪加之黃芩瀉肺之熱且引羣藥直入肺經何鬱之不宣乎故壅塞通稠濁化也

此症用宣肺

散亦佳

柴胡黃芩紫苑各二錢白芍一兩當歸麥冬各五錢
茯苓白芥子各三錢甘草款冬花各一錢紫蘇一錢
辛夷五分水煎服四劑愈

耳痛門

附耳聾

人有雙耳忽然腫痛內流清水久則變爲膿血者身發寒熱耳內如沸湯之響或如蟬鳴此少陽膽氣不舒而風邪乘之火不得散故生此病法宜舒發膽氣而佐之祛風瀉火之藥則愈矣然有治之而不效者何也蓋膽受風火之邪燥乾膽汁徒用祛風瀉火之湯則膽汁愈乾膽火益熾火借風威愈肆焚燒而耳病轉甚矣方用潤膽湯白芍一兩當歸一兩柴胡一錢炒梔子二錢玄參一兩天花粉三錢菖蒲八分水煎服一劑而痛輕二劑

而腫消三劑而膿血止四劑而寒熱盡除十劑而全痊也歸芍不特入膽而且入肝也膽病肝必病平肝則膽亦平也柴胡梔子亦是舒肝之藥舒肝正所以舒膽肝血自旺而膽汁有不濡潤者乎邪風邪火已有不治自散之機乃加天花粉之逐痰則風火無黨用菖蒲通耳中之竅引玄參以退浮遊之焰自然風火漸祛上焦清涼而耳病隨愈也

此症用止鳴

丹亦效

白芍五錢柴胡二錢炒梔子三錢生地三錢麥冬三錢菖蒲五分茯苓三錢半夏五分水煎服數劑即愈

老人耳聾
多是虛火
作祟補水
之法實治
聾之法也

人有耳中如針之觸而生痛者並無水生止有聲沸皆云
火邪作祟不知乃腎水之耗也夫腎開竅於耳腎氣不
足則耳閉然耳閉之前必痛而後閉何也蓋腎火冲之
也火冲而不得出則火之路塞而不通於是火不再走
於耳而成聾矣但火既上冲於耳而火之路何以致塞
蓋火邪上冲耳竅之內如有物塞之狀故此等之病必
須速治否則成聾而難治矣方用益水平火湯熟地一
兩生地一兩麥冬一兩玄參一兩菖蒲一錢水煎服一
劑而痛止二劑而響息三劑而全愈而耳不再聾也四

味乃補水之藥又能於水中瀉火且不損傷腎氣則腎火自降菖蒲引腎氣而上通火得路而上達又何有阻抑之虞乎此等之病老人最多老人耳聾雖高壽之徵似可不必施治不知已成之聾不必治未成之聾正不可不治也此方治已聾者尚有奇功矧治未聾之耳有不取效者哉

此症亦可用

息沸湯

熟地二兩山茱萸一兩麥冬五錢北五味十粒
菖蒲一錢遠志五分丹參三錢水煎服十劑愈

人有耳痛之後雖愈而耳鳴如故者人以爲風火猶在耳

勝處耳聾
亦宜補陰
藥是萬全
治法

也仍用祛風散火之藥而鳴且更甚然以手按其耳則其鳴少息此乃陽虛而氣閉也法宜補陽氣爲主而兼理其肝腎之虛方用發陽通陰湯治之人參二錢茯苓三錢白朮二錢黃芪三錢肉桂五分熟地五錢當歸二錢白芍三錢柴胡一錢甘草五分白芥子二錢荆芥炒黑一錢水煎服一劑輕二劑愈不必三劑也此方卽十全大補之變方也治氣血之虛者實有相宜茲何治陽虛而亦宜也不知陽虛而陰未有不俱虛者倘單補陽虛以助其陽恐陽旺陰衰轉動其火不若兼補其陰則

陰足以制陽陰陽相濟而彼此氣通蟬鳴之聲頓除也

此症可用

開閉丹

黃芪一兩當歸五錢肉桂甘草各五分菖蒲遠志
柴胡香附各一錢天花粉二錢水煎服二劑愈

人有雙耳聾閉雷霆喧呼之聲終不相聞而耳內不痛此
大病之後或年老人有之乃腎火內閉而氣塞也最難
取效法當內外兼治內治必須大補心腎雖耳屬腎而
非心氣之相通則心腎不交反致阻塞故必用補腎之
藥使腎之液滋於心卽宜用補心之劑使心之氣降於
腎心腎之氣既交自然上升而通於耳矣方用啓竅湯

補腎以治

腎火易知

補心以治

雙耳聾

也按腎爲

耳竅之主
心竅耳竅
之客主客
相通自無
閉塞

熟地二兩山茱萸一兩麥冬一兩遠志三錢五味子二
錢石菖蒲一錢炒棗仁三錢茯神三錢栢子仁三錢水
煎服一連四服而耳中必然作響此欲開聾之兆也再
照前方服十劑而外用龍骨一分雄鼠胆汁一枚麝香
一厘冰片三厘研絕細末爲丸分作三丸綿裹塞之不
可取出一晝夜卽通矣神效之極耳通後仍用前湯再
服一月後用大劑六味丸以爲善後之計否則恐不能
久聽也

此症用通耳

湯亦妙

熟地三兩麥冬一兩炒棗仁茯神各五錢菖蒲
一錢柏子仁炒黑荆芥各三錢水煎服十劑自通

人有平居無事忽然耳聞風雨之聲或如鼓角之響人以
爲腎火之盛也誰知是心火之亢極乎凡人心腎兩交
治能上下清寧以司視聽腎不交心與心不交腎皆能
使聽聞之亂然而腎欲上交於心與心欲下交於腎必
彼此能受始慶相安倘腎火大旺則心畏腎炎而不敢
下交心火過盛則腎畏心焰而不敢上交矣二者均能
使兩耳之鳴但心不交腎耳鳴輕腎不交心耳鳴重今
如聞風雨鼓角者鳴之重也治法欲腎氣復歸於心必

須使心氣仍歸於腎方用兩歸湯麥冬一兩黃連二錢
生棗仁五錢熟地一兩丹參三錢茯神三錢水煎服二
劑而鳴止四劑不再發此方涼心之劑也心既清涼則
腎不畏心熱而樂與來歸原不必兩相引而始合也况
方中全是益心滋腎之品不特心無過燥之虞而且腎
有滋潤之樂自不啻如夫婦同心有魚水之歡而無乖
離之戚也又何至喧闐於一室哉

此症可用定喧湯

玄參三兩生地一兩貝母二錢水煎服一劑卽止鳴
人有不交感而兩耳無恙一交接婦女耳中作痛或癢發

不已或流臭水以涼物投入則快甚人以爲腎火之盛誰知是腎火之虛乎夫腎中之火乃龍雷之火也火旺則難動而易息火衰則易動而難息其故何哉蓋火旺者水旺也火衰者水衰也水衰則不能制火而火易動水衰則不能養火而火難息耳故補水必須補火補火而水乃生亦補火必須補水補水而火乃盛二者原兩相制而兩相成也腎開竅於耳腎之水虛則腎之火亦虛矣耳之癢痛作於交感之後正顯其腎中水火之虛也治法必須補腎中之火而火不可獨補必須於水中

補之方用加減八味丸湯熱地一兩山茱萸五錢丹皮
五錢澤瀉二錢茯苓三錢山藥五錢麥冬五錢北五味
一錢肉桂二錢水煎服一劑而痛輕再劑而痛止三劑
癢亦止四劑而水不出也十劑全愈此方補火而亦補
水而補水多於補火者以火不可過旺也水旺於火而
火有安寧之樂火引於水之中水資於火之內則火不
至易動而難息又何致上騰於耳門作痛作癢而出水
哉

此症用補陰制

火湯亦妙

熟地二兩 山茱萸 芡實 各一兩
肉桂一錢 水煎服十劑全愈

婦人有因怒發熱經來之時兩耳出膿兩太陽作痛乳房
脹悶寒熱往來小便不利臍下滿築此是肝氣之逆火
盛血虧也夫腎雖開竅於耳耳病宜責之腎然而肝爲
腎之子腎氣既通於耳則肝之氣未嘗不可相通者子
隨母之象也况肝藏血怒則血不能藏矣經來之時宜
血隨經而下行不宜藏於經絡而作痛滿脹悶也不知
肝喜疏泄怒則氣逆而上奔氣既上逆而血又何肯順
行於下而爲經乎勢必散走於經絡而不得泄則火隨

鬱勃之氣而上冲兩耳之間乃化爲膿水而流出於腎
母之竅矣太陽者膀胱之位也腎與膀胱爲表裏肝走
腎之竅獨不可走膀胱之路乎小便不利正肝氣之乘
膀胱也腎之氣通於腰臍臍下滿築者正肝氣之乘腎
也至於乳房脹悶尤肝逆之明驗以兩脇屬肝之部位
而乳房乃兩脇之際也治法宜舒肝氣而使之順不必
治耳而耳自愈也方用加味逍遙散白芍一兩柴胡二
錢當歸一兩甘草一錢陳皮一錢茯神三錢白朮五錢
炒梔子一錢天花粉二錢枳殼五分丹皮三錢水煎服

二劑而諸症皆痊此方乃平肝之聖藥亦解怒之神劑也補血而又無阻滯之憂退火而更鮮寒涼之懼不必治腎而治腎已包於其中不必通膀胱而通膀胱已統乎其內變通之法何往往棄之而不用耶

此症用莫愁

湯亦神

白芍生地各五錢當歸一兩炒梔子天花粉香附各二錢甘草蒼朮各一錢炒荊芥三錢枳殼五分水煎服一劑輕二劑愈

目痛門

人有目痛如刺觸兩角多眵羞明畏日兩泡浮腫淚溼不
已此肝木風火作祟而脾胃之氣不能升騰故耳人生
後天以脾胃爲主脾胃一受肝木之制則土氣遏抑津
液乾涸於是木無所養而乾枯風又襲之則木更加燥
眼目肝之竅也肝中無非風火之氣而目欲清涼得乎
惟是肝經既燥而目偏生淚何哉蓋腎氣救之耳肝爲
腎之子肝子爲風火之邪所困燃眉之禍必求救於腎
母而腎痛其子必以水濟之然而風火未除所濟之水

與風火相戰腎欲養木而不能肝欲得水而不敢於是目不得水之益而反得水之損矣然而水終爲木之所喜而火終爲木之所畏日爲陽火燈爲陰火故兩忌之治法自當以祛風滅火爲先然而徒治風火而不用和解之法則風不易散而火不易息也方用息氛湯柴胡二錢當歸三錢白芍三錢天花粉二錢白蒺藜三錢蔓荊子一錢甘菊花三錢草決明一錢炒梔子三錢白茯苓三錢水煎服二劑而火退再服二劑而羞明畏日之症除再服二劑諸症盡愈也此方瀉肝木之風火而又

善調脾胃之氣更佐之治目退翳之品真和解得宜也

此症柴荆

飲亦妙

柴胡薄荷荆芥甘菊各一錢甘草三分茯苓三錢白芍四錢白蒺藜草決明炒梔子各二錢密蒙花半夏各五分水煎服四劑愈

人有目痛既久終年累歲而紅赤不除致生努肉扳睛拳毛倒睫者乃悞治之故也大凡目疾初痛則爲邪盛目疾久痛則爲正虛正虛而悞以邪盛之法治之則變爲此症矣世人不悟動以外治不知內病未痊而用外治之劫藥鮮不受其害者我今特傳一方凡有努肉扳睛

邪治有失

內治無失

即有益也

拳毛倒睫者服之無不漸愈但不能取效神速也蓋眼
既經悞治而成斯病其由來者非一日用藥何能責其
近功乎方名磨翳丹葳蕤一觔甘菊花一觔當歸一觔
白芍一觔陳皮二兩柴胡三兩同州蒺藜一觔白芥子
四兩茯神半觔各爲末蜜爲丸每日早晚白滾水送下
各五錢服一料全愈此方用攻於補之中不治風而風
息不治火而火亡不治努肉而努肉自消不去拳毛而
拳毛自去萬勿視爲平平無奇而不知奇寓於平之中
也

此症用加減逍

遙散亦佳

白芍當歸各一兩甘草白蒺藜麋仁各一錢陳皮五分茯苓三錢甘菊三錢柴胡半夏各三分水煎服三
月愈

人有目痛後迎風流淚至夜則目暗不明一見燈光兩目
乾濇此乃少年時斲喪元陽又加時眼不守色戒以致
傷損大眚故眚孔不閉風寒透入其孔內氣既虛外邪
難杜故爾出淚也夫淚生於心大眚正心之竅也傷心
則淚出傷大眚而亦淚出者正見內外之關切傷大眚
卽傷心也然則欲止大眚之淚安可不急補其心乎而

徒補心亦正無益必須兼腎與肝而治之使腎水生肝木而肝木更能補心也方用固根湯葳蕤一兩當歸五錢白芍五錢熟地一兩麥冬五錢甘菊三錢菖蒲三分柴胡五分水煎服連服四劑卽不畏風再服四劑見風不流淚矣再服十劑全愈葳蕤最善止淚加之當歸白芍以補肝熟地以滋腎益之麥冬以補心佐之甘菊菖蒲柴胡以舒其風火而引諸經之藥以塞其淚竅此固其根本而末症自愈也

此症用養目

湯亦效

當歸熟地蕨蘘白芍各五錢山萸茯苓麥冬白朮丹
皮枸杞各三錢巴戟天二錢柴胡三分水煎服十劑
全愈

人有患時眼之後其目不痛而色淡紅然羞明惡日與目
痛時無異此乃內傷之目人誤作實火治之又加不慎
色慾故爾如此若再作風火治之必有失明之悲必須
大補肝腎使水旺以生肝木旺以祛風則目得液以相
養而虛火盡散也方用養目湯熟地一兩白芍五錢麥
冬五錢當歸一兩蕨蘘五錢山茱萸四錢北五味一錢
甘草一錢甘菊花二錢柴胡五分水煎服二劑而目明

目痛不治
目雖人能

文二劑而羞明之症痊更四劑而紅色盡除而愈矣此
方大補腎肝全不去治目正所以治目也世醫每拘執
成方不顧目之虛實一味以治火爲主者不知壞天下
之眼幾百萬矣幸治目者察其虛實如知其虛卽以此
方投之效應如响正不必分前後也然初起卽是內傷
之目痛又從何處辨之日間痛重者陽火也乃是實症
夜間痛重者陰火也乃是虛症虛症卽用此方急治之
隨手建功何至變生不測哉

此症用還光

飲亦妙

熱地一兩山茱萸四錢枸杞甘菊同州蒺藜玄參麥冬各三錢歲時五錢肉桂三分水煎服十劑全愈

人有陰火上冲兩目紅腫淚出而不熱羞明而不甚日出而痛輕日入而痛重此非虛症之痛乎然不在肝而在腎也腎中無火下焦寒甚乃逼其火而上行浮遊於目而目痛也治法不可瀉火而宜補火并不可僅補火而兼宜補水腎中真寒而火不存實腎中少水而火無養也水火原不可兩離補水卽宜補火則水不寒補火卽宜補水則火不燥治陰虛火動之症者無不當兼治何獨於治目者殊之方用八味地黃湯加減熱地一兩山

茱萸五錢山藥五錢茯苓澤瀉丹皮各三錢柴胡五分
白芍五錢甘菊花三錢肉桂一錢水煎服一劑而陰火
歸源目疾頓愈抑何其治法之神乎蓋陰陽之道歸根
最速吾用六味大滋其腎中之水加肉桂以溫其命門
之火火喜水養卽隨水而同歸於本宮龍雷安靜而雲
漢之間火光自散有不返爲青天白日之世界乎況佐
之柴芍甘菊風以吹之通大澤之氣而雷火更且安然
也

此症用抑火

散亦效

熟地麥冬各一兩北五味肉桂各一錢巴戟

天葳蕤各五錢水煎服一劑效二劑全愈

人有能近視而不能遠視者近視則蠅腳細字辨晰秋毫
遠視則咫尺之外不辨真假人以爲肝血之不足誰知
是腎火之本微乎腎火者先天之火也是火存於腎水
之中近視之人既非水之不足何致火之無餘不知先
天之火天與之也生來火微光焰自短蓋眼目之中不
特神水涵之抑亦神火藏之故凡光能照遠者火也近
視之人正神火之微耳神火藏於目中而發於腎內治
近視之病必補腎火爲主然而火非水不養雖近視之

近視之人

無神光以

照遠也神

光即命門

之火補火

人原有腎水然能保其後天之不斷削乎水中補火不易之道也方用養火助明湯熟地五錢山茱萸三錢葳蕤五錢巴戟天一兩肉桂一錢麥冬三錢北五味子三分枸杞三錢水煎服一月之後自然漸能遠視矣仍將前藥修合丸散日日吞服一年之後遠近俱能視也但服藥之時必須堅忍色慾爲妙否則僅得半之道耳此方補命門之火所以助其陽也雖助陽無非益陰本無他害誠恐不善受益者借陽以作樂故戒之如此

此症用鑒遠

湯亦佳

附子北五味各一錢熟地葳蕤

各一兩山茱萸五錢水煎服

人有目痛二瞳子大於黃精視物無準以小爲大人以爲
內熱之故也誰知是氣血之虛而驟用熱物火酒以成
之者乎夫五臟六腑之精皆上注於目而瞳子尤精之
所注也故精足則瞳子明精虧則瞳子暗視物而昧大
小者蓋筋骨氣血之精而爲脉并爲系上屬於腦腦熱
則瞳子散大而腦之所以熱者由於多食辛熱之物也
火酒者酒中至熱之漿且其氣又主散腦中之精最惡
散而最易散熱而加散腦氣又烏能安然無恙乎自必

火酒能散
腦中之氣
散氣則熱

耗精耗則
精耗矣

隨熱而隨散矣。腦氣既熱，則難於清涼，更難於靜固。欲
瞳子之不散大而不可得，又烏能視物有準哉？治法以
解熱益氣爲主，而解熱必須滋陰。滋陰自易降火，然後
於滋降之中佐之酸收之味，始克斂瞳神之散大也。方
用斂瞳丹：熟地一兩，山茱萸五錢，白芍一兩，當歸伍錢，
黃連三錢，五味子一錢，人參三錢，甘草一錢，地骨皮五
錢，柴胡五分，柞木枝三錢，陳皮五分，黃柏五分水煎服。
連服四劑，瞳子漸小，再服四劑，而視物有準矣。服一月
全愈。此方涼血於補血之中，瀉邪於助正之內，祛酒熱

於無形收散精於不覺實有不知其然而然之妙較束垣治法爲更神也

此症用束睛

丹亦效

熟地白芍麥冬各一兩人參五錢炒梔子川芎各三錢北五味一錢水煎服十劑全愈

人有病目數日而卽生翳由下而上其翳色作澹綠狀瞳子痛不可當人以爲肝木之風誰知是腎火乘肺肺火與腎水相合而不解乎夫腎主黑色肺主白色白與黑相合必變綠色也惟是腎爲肺子肺爲腎母二火何以相犯乃子母之變耳弟子母相犯者無關輕重其翳由

腎明綠色
於近理

下而上是子犯其母亦緣母之過柔也天下安有母旺而子敢犯者乎是治之之法補母而子之逆可安矣雖然子之天性凶逆亦從旁之人必有導之始敢安於逆而不顧腎火之犯肺者亦經絡之多不調也補肺金以抑腎烏可不調其經絡以孤腎火之黨乎方用健母丹麥冬天冬各一兩生甘草黃芩各一錢茯苓青蒿白芍桔梗丹參各三錢陳皮三分天花粉二錢水煎服一劑而綠色退四劑而目翳散十劑全愈此方用二冬以補肺用甘草桔梗以散肺之邪用黃芩以退肺之火則肺

氣既旺而腎火自然難侵況益之茯苓以瀉膀胱之火
用青蒿以瀉胃脾之熱白芍以平肝膽之氣丹參以清
心內之炎是臟腑無非清涼而腎臟邪火安能作祟譬
如一家之中叔伯兄弟盡是正人君子羣來解勸而忤
逆之兒卽不愧悔自艾斷不能增添其橫而爲犯上之
亂矣

此症用益肺

湯亦效

麥冬二兩天門冬五錢生地

玄參各一兩水煎服十劑愈

人有兩目無恙而視物皆倒植人以爲肝氣之逆誰知是

肝葉之倒置乎夫目之系通於肝而肝之神注於目肝斜則視斜肝正則視正肝直則視直肝曲則視曲肝岐則視岐此理之常也今視物倒植者乃肝葉倒而不順耳此必因吐而得者蓋吐則五臟反覆而肝葉開張壅塞於上焦不能一時迅轉故肝葉倒而視物亦倒也治法宜再使之吐然而一吐已傷五臟再吐不重傷五臟之氣血乎但不吐而肝葉不易遽轉吾於吐中而仍用和法方用安臟湯參蘆鞭二兩瓜蒂七箇甘草一兩荊芥三錢水煎三大碗頓服之卽用鷲翎掃喉中必大吐

吐後而肝葉必順矣瓜蒂散原是吐藥余加參蘆鞭甘
草荊芥者於補中以行其吐卽於吐中以安其經絡何
至五臟反覆以重傷其氣血哉此乃吐之變法也凡虛
人而宜用吐法者皆可照此法治之

此症用參蘆湯

吐之亦妙

人參蘆四兩煎湯數碗盡服之
以驚翎掃喉引吐吐後卽愈

人有驚悸之後目張不能瞑百計使之合眼不可得人以
爲心氣之弱誰知是肝膽之氣結乎雖五臟六腑皆稟
受脾土上貫於目而目之系實內連肝膽也肝膽血足

費是太陽
之筋爲目

上綱是陽

明之筋爲

目下網熱則筋目不開似乎目之閉閉乃是太陽陽明主之今日張不察屬之肝膽氣結並筋說并欺不知太陽陽明一經木氣之實則目之網無權非肝膽爲目之網也達公誤審誤網

而氣舒肝膽血虧而氣結然此猶平居無事之謂也肝膽逢驚則血縮肝膽逢悸則血止血止血縮而氣乃因之而結矣氣結則肝膽之系不能上通於目而目之睫不能下矣治法必須解其氣結然而不易解也仍當補其肝膽之血血旺則氣伸而結乃解也方用解結舒氣湯白芍一兩當歸一兩炒棗仁一兩郁李仁三錢水煎服一劑而目能瞑矣白芍平肝膽之旺於瀉中能補當歸滋肝膽之枯於補中能散炒棗仁安心之藥心安則不必取資於肝膽子安而母更安也郁李仁善能去肝

者

膽之結入之於三味之中尤易入肝而舒滯去鬱也所以一劑奏功耳

此症用舒結

湯亦神

柴胡荆芥各二錢白芍一兩甘草半夏獨活各一錢炒棗仁四錢麥冬五錢水煎服一劑目瞑而卧

人有無故忽視物爲兩人以爲肝氣之有餘誰知是腦氣之不足乎蓋目之系下通於肝而上實屬於腦腦氣不足則肝之氣應之肝氣大虛不能應腦於是各分其氣以應物因之見一爲兩矣孫真人曰邪中於頭因逢身之虛其入深則隨目系入於腦入於腦則轉轉則目系

急急則目眩以轉邪中於睛所中者不相比則睛散睛散則岐故見兩物此言尚非定論治法必須大補其肝氣使肝足以應腦則肝氣足而腦氣亦足也方用助肝益腦湯白芍二兩當歸一兩人參三錢郁李仁二錢柴胡五分天花粉二錢細辛五分川芎三錢甘菊花五錢薄荷八分生地五錢天門冬三錢甘草一錢白芷三分水煎服一劑而視物爲一矣二劑全愈此方全是益肝之藥非益腦之品也不知補腦必須添精而添精必須滋腎然而滋腎以補腦而肝之氣不能遽補不若直補

其肝而佐之祛邪之藥爲當蓋腦氣不足而邪得以居之不祛邪而單補其精於腦氣正無益也治肝正所以益腦也

此症亦可用

補瞳神丹

當歸白芍各一兩 郁李仁 黑荊芥 丹皮 各三錢 麥冬 川芎 蕤荑 各五錢 細辛 五分 水煎服二劑愈

人有病目之後眼前常見禽鳥昆蟲之飛走捉之則無人以爲怪而不知非怪也乃肝膽血虛有痰而閉結之也夫肝膽屬木木中無血以潤之則木氣過燥矣內燥必取給於外水然而肝膽喜內水之資而不喜外水之養

水亦無
遺

於是外水不變血而變痰血資肝膽則有益痰侵肝膽
則有損且血能入於肝膽之中痰難入於肝膽之內痰
既在外反壅塞肝膽之竅而氣不能展矣見禽鳥昆蟲
之飛走者皆痰之作祟也治法益肝膽之血而兼消其
外壅之痰方用四物湯加味治之熟地三錢白芍五錢
當歸一兩川芎二錢酸棗仁五錢青箱子三錢茯神三
錢陳皮一錢甘草一錢半夏三錢白朮二錢水煎服四
劑目無所見矣此方用四物湯以滋肝膽用茯苓半夏
白朮以分消其溼痰加入棗仁青箱子以青箱子走目中

之系棗仁去心內之迷心氣清而痰易出目系明而邪自散也然但用二味而不合前藥同用正未能出奇制勝耳

此症用向榮

湯亦妙

當歸白芍生地各一兩麥冬五錢白芥子茯苓各三錢貝母一錢柴胡五分水煎服十劑全愈

人有目痛之餘兩目白眚盡變爲黑不痛不疼仍能視物無恙毛髮直如鐵條癡癡如醉不言不語人以爲血債之症也誰知是腎邪之乘心乎夫心屬火腎屬水三經似乎相尅然而心火非腎水不能相養腎水不上交於

心則心必有煩燥之憂但腎水僅可相資於心而不可
過侮夫心也腎氣乘心本欲救心之枯而腎中倘有邪
水亦挾之以資心則心受傷矣心受腎邪本自死症乃
不死而但現黑色於目者以腎來救心而非犯心也心
畏腎邪而又不欲明彰腎之過白眚變黑赤白難分毛
髮直豎非怒極之驗乎癡癡如醉不言不語非挾制太
甚無可如何之象乎治法宜斬關直入急救心君之垂
危祛蕩腎邪撥亂反正之爲得也方用轉治湯茯苓五
錢人參五錢附子三錢五靈脂末二錢菖蒲一錢白芥

血虛目痛
惟婦人有
之男子正

子三錢白朮五錢良薑一錢水煎服一劑而癡醉醒二
劑而毛髮軟三劑而黑皆解四劑全愈夫腎中之邪不
過寒溼之氣用辛燥溫熱之劑自易祛邪况佐之奪門
之將輔之引路之人有不恢復於須臾定亂於頃刻哉
此症用利水益

心丹亦佳

茯苓人參薏仁巴戟天各五錢白芥子肉
桂各三錢白朮一兩水煎服四劑全愈


人有月經不通三月忽然眼目紅腫疼痛如刺人以爲血
虛而不能養目也誰知是血壅而目痛乎夫經水不通
似乎血枯之症然而血過於盛則肝氣反閉塞而不通

經既不通則熱無可洩不下行而轉壅於上而肝之竅
開於目乃走肝而目痛矣此等之痛肝脉必大而有力
或弦而滑必非細澹微緩無力之狀也治法不可補血
以助熱宜通經以瀉肝方用開壅湯紅花三錢當歸尾
三錢牛膝二錢桃仁十四箇柴胡二錢丹皮三錢大黃
一錢香附一錢鬱金三錢天花粉二錢玄胡索一錢水
煎服一劑而經通再劑而目愈此方全不治目但去通
經經通而熱散熱散而目安也

此症可用

瀉壅丹

當歸一兩紅花五錢大黃二錢生地五錢荊芥三錢
桃仁十粒丹皮三錢炒梔子二錢水煎服一劑而血
通二劑而目之腫
全消不必三劑也



血症門

山脫在氣
雖本於前
人而實火
變虛實出
於創說

人有一時狂吐血者未有不本之火者也然血已吐出如傾盆則火必變爲虛火矣實火可瀉而虛火斷不可瀉况血已吐出無血養身而又用瀉火之藥以重傷其胃氣毋論血不能驟生而氣亦不能遽轉往往有至氣脫而死者治法不可止血而當活血尤不可活血而急當固氣蓋氣固則已失之血可以漸生未失之血可以再旺耳方用固氣生血湯黃芪一兩當歸五錢荊芥炒黑二錢水煎服一劑血止再劑氣旺四劑血各歸經不致

再吐矣此方卽補血湯之變全在荊芥引血歸於氣分之中引氣生於血分之內氣血之陰陽旣交則水火之陰陽自濟斷不至臟腑經絡再有拂逆使血冲擊而再嘔也蓋有形之血不能速生無形之氣所宜急固吐血不治血而治氣前人已有言之者余不必再論也大約此方治初起嘔狂血者若吐血旣久尚宜斟酌

此症用黃荊湯亦神

生地四兩炒黑荊芥三錢煎服卽止

人有久吐血而未止或半月一吐或一月一吐或三月數吐或終年頻吐雖未咳嗽而吐痰不已委困殊甚此腎

肝之吐也夫吐血未必皆是腎肝之病然吐血而多經
歲月未有不傷腎肝者腎肝既傷則水不能養肝而肝
木必燥龍雷之火不能安於木中必下尅於脾胃而脾
胃寒虛龍雷之火乃逆冲於上以欺肺金之弱挾胃中
之血遂火旺而沸騰隨口而出矣治法必腎肝肺三經
統補之方用三台救命湯熟地半觔麥冬三兩丹皮二
兩水煎二碗一日服盡不再吐熟地補腎以滋肝麥冬
清肺以制肝丹皮去肝中浮遊之火又能引上焦之火
以下歸於腎臟使血歸經也然非大用之則火勢燎原

何能止抑其炎炎之勢故必用重劑則滂沱大雨而遍
野炎氛始能熄焰至於火息血靜用地黃丸調理三年
乃延生之善計願人守服以當續命膏也

此症用填精止
血湯甚佳

熟地二兩山茱萸四錢麥冬五錢北五味子一錢
炒黑荆芥三錢白芍一兩水煎服十劑血不再吐

人有吐黑血者雖不至於傾盆而痰嗽必甚口渴思飲此
腎經之實火也蓋腎中之火又挾心包相火並起而上
冲耳然而心包之火可瀉而腎火終不可瀉瀉心包之
火必致有傷於腎吾乃瀉其肝則二經之火不瀉而自

瀉肝水以
通心包與
腎之火實
有見解

瀉也肝爲心包之母而腎之子也母弱而子不能強子
虛而母亦自弱耳方用兩瀉湯白芍一兩丹皮二兩地
骨皮一兩炒黑梔子三錢玄參一兩水煎服連服二劑
而黑血變爲紅色矣再服二劑而咳嗽除血自止神效
也夫黑乃北方之色也黑血宜屬腎而乃兼屬之心火
者亦猶火熱之極投於水中則化爲烏薪心包之火同
入於腎中則火極似水又何疑乎今用兩瀉之湯雖瀉
肝木其實仍是兩瀉心包與腎經也火得水而解血得
寒而化此黑血之所以易變而吐血之所以易止也

此症亦可用三仙散火湯

玄參三兩生地二兩白芍一兩水煎服二劑卽止血

人有感觸暑氣一時氣不得轉狂嘔血塊而不止者此暑

邪犯胃也其症必頭痛如破汗出如雨口必大渴發狂

亂叫若作虛症治之必反增劇如當歸補血湯又不可

輕用也法宜消暑熱之氣而佐之下降歸經之藥則氣

不逆而血自止矣方用青蒿一兩當歸五錢荊芥炒黑

三錢石膏一兩麥冬五錢玄參五錢大黃一錢水煎服

一劑而暑氣消口渴止二劑而血歸於經諸症悉愈不

可再用三劑也此方名爲解暑止血湯青蒿能於解暑

暑犯心而
吐血不用
黃連以安
心又是阿
膠以養血
藥忌不

通入反不
者退各經
之火而心
轉安也

之中善退陰火則陰陽既濟而拂抑之氣自除於是
以石膏退胃火麥冬退肺火玄參退腎火荊芥從上焦而
引火下行又得大黃迅速不再停於胃又恐血既上越
大腸必然燥結加入當歸之滑以助其速行之勢故旋
轉如環而取效甚捷也

此症亦可用散暑止血湯甚神
大黃生地石膏各三錢

人有痰中吐血如血絲者日間則少夜間則多咳嗽不已
多不能眠此乃腎中之火冲入咽喉而火不得下歸於
命門故火沸爲痰而上升而心火又欺肺金之弱復來

血絲最難

正調理者

心爲上服

藥尚其次

通

相刑是水之中兼有火之氣所以痰中見血絲也方用
化絲湯熟地一兩麥冬五錢貝母一錢玄參五錢茯苓
三錢蘇子一錢地骨皮三錢沙參三錢荆芥炒黑一錢
水煎服一劑而血絲少再劑而血絲斷矣此方肺腎心
三經並治加之去痰退火之劑消弭於無形故能成功
之速倘不用補劑而唯事於去痰退火吾恐痰愈多而
血愈結也惟是既愈之後不可仍服此方宜服益陰地
黃丸方用熟地一觔山藥八兩麥冬十兩北五味三兩
山茱萸八兩丹皮六兩茯苓六兩地骨皮十兩澤瀉四

兩蜜爲丸服一年永不再發

此症用還源

湯亦佳

熟地一兩山茱萸五錢炒黑荆芥三錢地骨皮五錢
麥冬三錢天門冬二錢甘草貝母各三分桔梗五分
水煎服三十劑愈

人有久吐血百計止之而不效者蓋血犯濁道也夫火不
盛與氣不逆則血俱不吐當知氣逆由於火盛欲治氣
逆必須降火然而火盛既久則火不能盛氣逆既久則
氣更加逆似乎瀉火易而降氣難不知火瀉則氣亦隨
之而降矣但火久則變爲虛火虛火宜引而引火之藥

引火不若
壯水愚意
於壯水中
而用引火
之藥未爲
不可

多是辛熱之味恐反有助逆之慮不若壯水以鎮陽火
之爲得也方用壯水湯熟地二兩生地一兩荆芥炒黑
二錢三七根末三錢水煎調服一劑而血卽止再劑而
血卽斷不再發也熟地與生地同用補精之中卽寓止
血之妙荆芥引血而歸於經絡三七根卽隨之而斷其
路徑使其入而不再出也火得水而消氣得水而降此
中自有至理也

此症單用三七根末三錢
加入童便一碗調服卽止

人有大怒吐血色紫氣逆兩脇脹滿作痛此怒氣傷血不

氣傷肝
平肝則氣
平而血亦
止

能藏而吐也肝本藏血逢怒則肝葉開張血卽不能藏
矣肝氣本急怒則更急急則血自難留故一湧而出往
往有傾盆而吐者况肝中原有龍雷之火因怒而擊動
其火於是劈木焚林而血乃上越矣血旣上湧肝無血
養自然兩脇作痛輕則脹滿矣治法急宜平其肝氣而
少加清涼之品則怒氣一平而龍雷之火自收血症可
愈倘一味用止血之藥反足以拂其火熱之性也方用
平肝止血散白芍二兩當歸一兩荆芥炒黑三錢炒梔
子二錢甘草一錢丹皮二錢水煎服一劑而肝氣平二

劑而吐血止三劑氣不逆而脹痛盡除也芍藥平肝而
又能益肝中之氣血同當歸用之則生血活血實有神
功丹皮梔子不過少涼其血以清其火以便荊芥之引
經甘草之緩急也

此症用斷紅

飲亦神效

白芍當歸各一兩荊芥炒黑三錢三
七根末三錢水煎調服一劑卽止血

人有咯血者血不驟出必先咳嗽不已覺喉下氣不能止
必咯出其血而後快人以爲肺氣之逆也誰知是腎氣
之逆乎腎氣者腎中之虛火也虛火之盛由於真水之

腎水爲順
火爲肺之
驕子亦順
人所未道

衰不能制火致火逆冲而上血遂宜大吐矣又何必咳
而後出蓋肺氣阻之也夫肺爲腎之母腎水者肺之順
子腎火者肺之驕子也肺本生腎水而不生腎火惡驕
子之凌犯也其驕子因肺母之偏於腎水乃上犯劫奪
肺金之血而肺又不肯遽予故兩相撻掣而咯血也方
用六味地黃湯熟地一兩山茱萸三錢山藥三錢麥冬
一兩五味子一錢茯苓澤瀉丹皮各二錢水煎服連服
四劑血必不咯矣服一月全愈用六味湯以大資其腎
水用麥冬五味以大益其肺金自足以制火之有餘何

至於血之再咯而出哉此治水所以不須瀉火也

此症用生熟二地湯亦妙
生地熟地各二兩水煎服十劑即愈

人有嗽血者因咳嗽而出血也其症多因勞傷而成耗損腎水水不能分給於各臟而又不慎於女色則水益涸矣水涸而肺金必來相生以洩肺金之氣而無如腎水日日之取給也則子貧而母亦貧矣夫貧子盜母之資則母有剝膚之痛欲求救於胃而胃又受肝火之凌則胃不敢生肺肝木生火則心火必旺心火一旺必來乘肺肺受外侮必呼子以相援而腎子水衰不能制火火

欺水之無用凌肺愈甚肺欲避之子宮而腎子之家又窘迫乾枯無藏身之地勢不得不仍返於本宮而咳嗽吐血矣治法自宜救肺然而徒救肺而腎之涸如故則肺之液仍去顧腎而肺仍傷也故治肺仍須補腎腎水足而肝木平心火息不必治肺而肺已安矣方用救涸湯麥冬二兩熟地二兩地骨皮一兩丹皮一兩白芥子三錢水煎服一劑而嗽輕二劑而咳輕連服十劑咳嗽除而血亦自愈麥冬與熟地同用乃肺腎兩治之法也加入地骨丹皮者實有微義蓋嗽血必損其陰陰虛則

火旺然此火旺者仍是陰火而非陽火也我用地骨丹皮以解骨髓中之內熱則腎中無煎熬之苦自然不索於肺金而肺中滋潤自然清肅之氣下濟於腎內子母相安則腎水漸濡可以養肝木可以制心火外侮不侵家庭樂豫何至有損耗之失哉至於白芥子不過消膜膈之痰無他深意以陰虛咳嗽者吐必有痰故取其不耗真陰之氣也

此症用麥冬熟地湯亦佳

熟地二兩麥冬一兩水煎服十劑全愈

人有鼻中流血經年經月而不止者或愈或不愈此雖較

又約血症
復食類腎
此治血所
以皆宜補
而不宜瀉

口中吐血者少輕然而聽其流血而不治與治不得其
法皆能殺人蓋吐血犯胃衄血犯肺胃爲濁道肺爲清
道也犯濁道則五臟盡皆反覆犯清道則止肺經一臟
之逆也氣逆則變症多端故皆能殺人治法宜調其肺
氣之逆但肺逆成於肺經之火夫肺屬金本無火也肺
經之火仍是腎水之火肺因心火之侵腎水救母而致
乾涸以腎火來助乃火與火鬪而血遂妄行從鼻而上
越矣然則調氣之法舍調腎無他法也而調腎在於補
水以制火方用止衄湯生地一兩麥冬三兩玄參二兩

新書卷之三
水煎服一服卽止麥冬直治其肺金之匱乏生地玄參以解其腎中遏抑之火火退而氣自順血自歸經矣倘畏此方之重而減輕則火勢炎炎未易止遏不能取效也

此症用麥冬三七湯亦神
麥冬三兩三七根末三錢水煎調服二劑卽止

人有耳中出血者涓涓不絕流三日不止而人死矣此病世不嘗有然而實有其症也耳者腎之竅也耳中流血自是腎虛之病然而腎虛血不走胃不從口出而偏從耳出者正有其故蓋心包火引之也心包之火與命門

五臟竅於

腎口出血

宜在腎裏

傷於腎之

外發如如

許壽

耳初外治

用龍骨末

吹入即止

之火原自相通二火沸騰則血不走胃而走耳矣蓋胃
爲心包之子胃恐腎火之害心而兼害胃故引其火而
上走於耳諸經所過之地盡捲土而行故血乃隨之而
出也雖耳竅甚細不比胃口之大無冲決之虞而涓涓
不絕豈能久乎故必須急止之方用填竅止氣湯麥冬
一兩熟地二兩菖蒲一錢水煎服一劑而效如响用熟
地以填補腎經之水麥冬以息心包之焰二經之火息
而耳竅不閉則有孔可鑽雖暫止血未必不仍然越出
也故用菖蒲引二味直透於耳中又引耳中之火而仍

返於心包火歸而耳之竅閉矣如此用藥之神真有不
可思議之妙

此症用截流

湯亦神效

熟地二兩生地麥冬各一兩三七根末

三錢菖蒲一錢水煎服一劑卽止血

人有舌上出血不止者舌必紅爛其裂紋之中有紅痕發
現血從痕中流出雖不能一時殺人然而日加頓困久
亦不可救援也此症乃心火太炎而腎中之水不來相
濟夫心必得水以相養邪水犯心則死真水養心則生
故心腎似乎相尅而其實相生也今腎水不交於心則

欲求腎之養而不可得乃借資於舌下之廉泉終日取
給其津液未免舌爲之敝而乾涸矣夫廉泉有水能灌
注五臟然而腎水足而廉泉之水亦足腎水枯而廉泉
之水亦枯譬如江河之水旺而井水亦滿也今腎水既
不濟於心之中何能越心而上升於唇口之上此廉泉
欲自養方寸之舌而不能何能濟心之炎熱乎故泉脉
斷而井癢裂亦無濟於心而井爛其舌舌既爛矣清泉
泥濘必流紅水而成血也治法必大補其心腎使心腎
交濟而舌血不斷而自止也方用護舌丹丹皮三錢麥

冬三錢桔梗三錢甘草一錢玄參五錢人參一錢熟地
一兩五味子一錢黃連三分肉桂一分水煎服一劑而
舌之血卽止連服四劑而舌之爛亦愈此方全不治舌
而但交其心腎心腎交而心之氣下通於腎寧再求濟
於舌乎舌不耗津於心則舌得自養此不治舌正勝於
治舌不止血而正勝於止血耳

此症用清心救
命丹亦神效

玄參麥冬各一兩甘草一錢菖蒲三分茯神人參三
七根末各三錢五味子三粒水煎調服一劑卽止血
人有齒縫出血者其血之來如一線之標此乃腎火之沸

騰也夫齒屬腎腎熱而齒亦熱腎虛而齒亦虛腎欲出血而齒卽出血矣雖然齒若堅固則腎卽欲出血無隙可乘似乎必須治齒然而徒治齒無益仍須治腎蓋腎爲本而齒爲末也夫腎火乃龍雷之火直奔於咽喉血宜從口而出何以入於齒耶蓋腎火走任督之路而上趨於唇齒無可出之路乘齒縫有隙而出之龍雷之火其性最急而齒縫之隙細小不足以暢其所出故激而標出如線也方用六味地黃湯加麥冬五味骨碎補治之熟地一兩山藥四錢山茱萸四錢丹皮五錢澤瀉三

錢茯苓三錢麥冬五錢五味子一錢骨碎補一錢水煎服一劑而血卽止也連服四劑永不再發六味地黃湯大補腎中之真水水足而火自降火降而血不妄行矣又慮徒補腎水而水不易生用麥冬五味子以補其肺從腎之化源而補之也補肺而水尤易生加入骨碎補透骨以補其漏則血欲不止而不可得矣

此症亦可用

闔縫丹

猴薑人參北五味三七根末各一錢甘草三分各爲細末擦牙含漱卽止血止後用六味丸則不再發

人有臍中流血者其血不十分多夾水流出人亦不十分

狼狽然臍通氣海關元命門烏可洩氣乎雖流血非洩
氣之比而日日流血則氣亦隨之而洩矣治法自應閉
塞臍門然而不清其源而徒閉其門亦徒然也夫臍之
所以出血者乃大小腸之火也二火齊旺必兩相爭鬪
於腸中小腸之火欲趨出於大腸而大腸之火欲升騰
於小腸兩不相受而火乃無依上下皆不可洩因臍有
隙乃直攻其隙而出火出於臍而血亦隨之矣然則治
臍之出血可不急安其大小腸之火乎然大小腸之所
以動火以腎經乾燥無水以潤之也故治大小腸之火

仍須以治腎爲主方用兩止湯熟地三兩山茱萸一兩
麥冬一兩北五味五錢白朮五錢水煎服一劑卽止血
不流四劑除根熟地山茱以補腎水麥冬五味以益肺
氣多用五味子者不特生水而又取其酸而斂之也加
白朮以利腰臍腰臍利則水火流通自然大小腸各取
給於腎水而無相爭之亂水足而火息血不止而自止
也

此症用障臍

湯亦甚神

大黃五分當歸生地各一兩地
榆三錢水煎服一劑卽止血

氣虛不能
攝血然精

人有九竅流血者其症氣息奄奄欲臥不欲見日頭暈身
困人以爲祟憑之不知此乃熱血妄行散走於九竅也
視其症若重然較狂血走一經者反輕引血歸經則血
不再流矣夫人一身之中無非血也九竅出血乃由近
而遠非盡從臟腑而出然而治法仍須治臟腑而不可
止治經絡以臟腑能統攝經絡也方用當歸補血湯加
味治之當歸五錢黃芪一兩荆芥炒黑三錢人參三錢
白朮五錢生地五錢水煎服一劑卽止血二劑不再流
矣熱血妄行不清火而反補其氣因由於氣之虛也氣

虛不能
藏血惡
精氣更
精

虛則不能攝血血得火而妄行逢竅則鑽今補其氣則
氣旺矣氣旺自能攝血倘用止抑之法則一竅閉而衆
竅安保其盡閉乎用補血湯而又行氣涼血未嘗無清
火之味焉得不奏功如神哉

此症可用

掩竅丹

人參當歸生地玄參各一兩炒黑荆芥三錢
甘草一錢水煎服一劑卽止血二劑全愈

人有大便出血者或糞前而先便或糞後而始來人以爲
糞前來者屬大腸之火糞後來者屬小腸之火其實皆
大腸之火也夫腸中本無血也因大腸多火燄乾腸中

一從前
辨血先後
之誤

之液則腸薄而開裂血得滲入裂竅在上則血來遲裂
竅在下則血來速非小腸之能出血也小腸出血則人
且立死蓋小腸無血如有血則心傷矣心傷安能存活
乎故大出血統小腸論之以辨症則可謂大便之血
以糞後屬小腸則不可也是治便血之症宜單治大腸
然而大腸之所以出血非大腸之故也腎主大小便腎
水無濟於大腸故火旺而致便血也方用三地湯熟地
一兩當歸一兩生地一兩地榆三錢木耳末五錢水煎
調服一劑卽止血二劑全愈精血雙補則腸中自潤既

無乾燥之苦自無滲漏之患况地榆以凉之木耳以寒之有不取效之速者乎

此症用薺苈熟

地湯亦神

熟地三兩地栗三兩搗汁同

熟地煎湯服二劑卽止血

人有小便溺血者其症痛澀馬口如刀割刺觸而難忍人
以爲小腸之血也而不知非也小腸出血則人立死安
得痛楚而猶生乎因人不慎於酒色欲洩不洩受驚而
成之者精本欲洩因驚而縮入則精已離宮不能仍反
於腎中而小腸又因受驚不得直洩其水則水積而火

小腸之血
乃腎精所
化陰液而
奇

生於是熱極而煎熬將所留之精化血而出於小便之
外其實乃腎經之精而非小便之血也治法宜解其小
腸之火然而解火而不利其水則水壅而火仍不得出
精血又何從而外洩哉方用水火兩通丹車前子三錢
茯苓五錢木通一錢梔子三錢黃栢一錢當歸五錢白
芍一兩扁蓄一錢生地一兩水煎服一劑而澀痛除二
劑而溺血止三劑全愈不必用四劑也方中通利水火
而又加平肝補血之藥者蓋血症最懼肝木尅脾胃則
脾胃之氣不能升騰而氣乃下陷氣陷而血又何從而

升散乎今平其肝則肝氣舒而脾胃之氣亦舒小腸之
水火兩通敗精有不速去者乎

此症用通溺

飲亦神

黃柏車前各三錢茯苓白朮各五錢王不留行
二錢肉桂三分黃連一錢水煎服二劑卽止血

人有皮毛中出血者或標出如一線或滲出如一絲或出
於頭上或出於身中或出於兩脰之間皆肺腎兩經之
虧火乘隙而外越也此等之症舍補腎水無第二法可
救然而補腎之功緩必須急補其氣氣旺則肺金自旺
而皮毛自固矣方用肺腎兩益湯熟地二兩人參三兩

以麥冬孔
一名曰肌
則用金
永水調
能治之外
治亦能止
血

麥冬一兩三七根末三錢水煎服一劑而血即止矣再
用六味地黃湯加麥冬五味調服一月不再發蓋熟地
壯水麥冬益金水相資則肺腎之火自息血自歸經
何至走入皮毛而外洩况三七根原能止血乎

此症用芪歸斂
血湯亦神效

黃芪玄參各一兩當歸五錢麥冬一兩北五味一錢
蘇子二錢三七根末三錢水煎調服一劑即止血

人有唾血不止者然止唾一口而不多唾人以爲所唾者
不多其病似輕而不知實重蓋此血出於脾而不出於
胃也夫脾胃相表裏者也血犯胃已傷中州之土先天

已虧矣況更犯脾陰之後天乎胃主受而脾主消脾氣一傷不能爲胃化其津液雖糟粕已變但能化麤而不能化精以轉輸於五臟六腑之間則臟腑皆困是脾之唾血更甚於胃之吐血矣然而脾之所以唾血者仍責之胃土之虛不特胃土之虛而尤責之腎水之衰也蓋胃爲腎之關門腎衰則胃不爲腎以司其開闔而脾之血欲上唾而胃無約束任其越出於咽喉之上矣故脾之唾血雖脾火之沸騰實腎胃二火之相助也治法平脾之火必須補脾之土更須補腎水以止胃之火也方

用滋脾飲人參三分茯苓二錢玄參丹皮芡實茅根山藥各三錢熟地一兩沙參五錢甘草五分水煎服一劑而唾血止再劑全愈此方輕於治脾而重於補腎誠探本之法也倘止瀉脾火之有餘必致損胃土之不足胃氣傷而脾氣更傷然後始去補腎則不能生腎水矣何能制脾火之旺哉毋論唾血難止吾恐胃關不閉而血且大吐矣此滋脾飲之所以妙耳

此症用同歸

湯亦神效

白朮玄參各一兩熟地二兩北五味一錢荊芥炒黑三錢貝母五分水煎服一劑卽止血

人有雙目流血甚至直射而出婦人則經閉不行男子則口乾唇燥人以爲肝血之妄行也誰知是腎中火動乎夫腎中之火相火也若君火寧靜則相火不敢上越惟君火旣衰而後心中少動於嗜慾則相火卽挾君主之令以役使九竅而九竅尊君之命不敢不從聽其所使矣心之系通於目肝之竅開於目肝中有火亦相火也與腎中命門之相火心中包絡之相火正同類也同氣相助而沸騰不啻如小人結黨比附而不可解直走心肝之竅系血不下行而上行矣治法似宜補心君之弱

以制腎火之動然而心火既虛補心而心不易旺必須
補腎以生心則心火不動而腎火亦靜耳方用助心丹
麥冬一兩遠志二錢茯神三錢熟地一兩山茱萸五錢
玄參五錢丹皮三錢芡實三錢蓮子心一錢當歸三錢
柴胡三分水煎服一劑而血止二劑不再發此方心肝
腎三經同治之藥也補腎以生肝卽補腎以生心耳或
疑腎中火動不宜重補其腎不知腎火之動乃腎水之
衰也水衰故火動水旺不火靜乎況心火必得腎水之
資而火乃旺也心火旺而腎火自平非漫然用之耳

此症用鄒膏

湯亦神效

熟地白芍各一兩 山茱萸五錢 柴胡五分 荊芥炒
黑三錢 北五味十粒 竹瀝一合同 水煎服二劑愈

人有舌上出血不止細觀之有小孔標血此心火上升以

尅肺金也夫鼻衄犯氣道也舌中衄血不過犯經絡之

小者耳然有血出於口者犯胃而不犯心血出於舌者

犯心而不犯胃犯胃爲腑而犯心爲臟焉可謂經絡細

小之病而輕治之乎治法內補其心中之液而外填其

舌竅之孔則心火自寧而舌血易止也方用補液丹人

參三錢 生地三錢 麥冬五錢 丹參二錢 北五味子十粒

山藥三錢當歸五錢黃連一錢玄參五錢貝母一錢水煎服外用炒槐花三七根各等分爲末摻之卽愈夫槐花三七本能止血似不必借重於補液丹也然而內不治本而徒治其末未必不隨止而隨出也

此症用栝子安

心湯亦神效

人參茯神栝子仁各三錢遠志一錢菖蒲三分當歸生地各五錢五味子十粒貝母黃連各五分水煎服二劑卽止血

遍身骨痛門

人有一身上下由背而至腰膝兩脛無不作痛飲食知味
然不能起牀卽起牀席而痛不可耐仍復睡卧必須捶
敲按摩否則其痛走來走去在骨節空隙之處作楚而
不可忍人以爲此症乃痛風也然痛風之症多感於風
溼而風溼之感多入於骨髓風溼入於經絡則易去風
溼入於骨髓則難祛以骨髓屬腎腎可補而不可瀉祛
風溼則傷腎腎傷則邪欺正弱將深居久住而不肯遽
出矣雖然腎不可瀉而胃與大腸未嘗不可瀉也瀉胃

勝於肝
也而勝於
游野以腎
之真氣不
損而野之
邪氣不出
也

新製

卷之三

七

與大腸之風溼而腎之風溼自去蓋胃爲腎之關而大
腸爲腎之戶也方用並祛丹黃芪一兩白朮五錢茯苓
五錢甘菊花三錢炙甘草一錢羌活五分防風五分水
煎服一劑而痛減二劑而痛除三劑而痛全愈矣愈後
用八味地黃丸調理永無再犯之患論理不治腎而治
胃與大腸之風溼去風宜用乾葛也去濕宜用猪苓也
有風有溼必化爲火去火亦宜用石膏知母也然邪在
骨髓必須用氣分之劑提出在氣分使微寒之品與輕
散之味以和解之則邪易於速化然後用補腎之藥補

其腎中之水火真水足而邪水不敢再入真火足而邪火不能再侵也

此症亦可用芪

朮兩活湯

人參肉桂各三錢白朮黃芪各一兩茯苓五錢
甘艸一錢羌活獨活各五分水煎服四劑愈

人有遍身疼痛至腰以下不痛者人亦以爲痛風也誰知

乃火鬱於上中二焦不能散而成者也若作風溼治之

全不能效然而僅治其火亦正徒然蓋火生於鬱則肝

膽之氣不宣木必下尅脾胃之土而土氣不升則火亦

難發以致氣血耗損不能灌注於經絡而作痛矣方用

風溼必

下部今上

身壯風溼

明矣

是極治法

如此

逍遙散加味治之柴胡二錢白芍五錢當歸一兩甘草
一錢炒梔子三錢陳皮一錢伏苓三錢白朮二錢羌活
一錢水煎服一劑而痛如火矣逍遙散專解肝膽之鬱
梔子尤善於解鬱中之火肝膽之火既盛則膽中之汁
必乾肝中之血必燥多加當歸芍藥更於平肝平膽之
內而濟之滋膽滋肝之味也血足而氣自流通復加羌
活以通經絡自然火散而痛除耳

此方用別
消火散

柴胡梔子各一錢皮蒼朮天花粉各二錢白芍五錢茯苓
生地各三錢甘草一錢陳皮五分川芎一錢水煎服

四劑
全愈

人有遍身生塊而痛者此雖是痛風然因溼氣不入臟腑而外走經絡皮膚以生此塊乃溼痰結成者也消痰於腸胃之內者易爲力而消痰於經絡皮膚者難爲功雖然經絡皮膚固難治而腸胃可易治也吾治其腸胃而經絡皮膚之痛塊自消方用消塊止痛丹人參三錢黃芪五錢防風一錢半夏三錢羌活一錢白朮三錢桂枝五分茯苓五錢薏仁五錢水煎服二劑而痛輕四劑而痛止十劑而塊消二十劑而塊盡消也夫塊結不散正

氣虛也。氣虛則痰結。吾用人參、芪、朮以補其氣而痰之勢衰矣。況益之茯苓、薏仁以利溼。半夏以消痰。防風、羌活以去風。桂枝以逐邪。則痰之黨羽既孤而不能留其塊壘矣。倘徒治經絡皮膚反耗損腸胃之氣而氣不能行於經絡皮膚則塊且益大何以消之哉。

此症用防其分

淫湯甚效

黃芪、白朮、茯苓各五錢、薏仁五錢、防風、柴胡、天花粉各一錢、桂枝三分、麻黃五分水煎服四劑愈。

人有遍身疼痛殆不可忍。然有時止而不疼。人以爲風溼相搏。誰知是氣血虧損凝滯而不通乎。夫風寒束於肌

榮血行而
滯上氣血
滯而痛作
萌是虛症
極微細是

骨雨濕入於肢節皆能作痛然其痛必一定不遷非時而痛時而不痛也惟氣血既虛不能流行於肢節肌骨之中每視盛衰以分輕重氣到之時則痛輕氣散之後則痛重血聚之時則痛輕血滯之時則痛重也倘認作風寒雨溼之邪而用祛除掃蕩之藥則氣血愈虛而疼痛更甚治法必大補其氣血而佐以溫熱之味則正旺而邪不敢侵不必止痛而痛自止也方用忘痛湯當歸一兩黃芪二兩肉桂二錢延胡索一錢天花粉三錢秦艽一錢水煎服一劑必出大汗聽其自乾一服卽愈二

服不再發此方卽補血湯之變方也補血湯名爲補血
實氣血雙補之神劑今益以肉桂之祛寒延胡索之活
血化氣天花粉之消痰去溼秦艽之散風卽有外邪無
不兼治何痛之不愈乎

此症用化疑

湯亦妙

當歸五錢黃芪一兩肉桂五分茯苓五錢柴
胡甘草羌活半夏各一錢水煎服四劑愈